



阿母讀冊記

阿母自細漢就無讀冊，阿爸攞笑伊是「青盲牛」，阿母嘛定定講：「這個囡仔讀冊的時，我若會曉綴個讀，這馬毋知會加捌佻濟字咧！」阮讀冊的時，其實是阿母上無閒的時陣，一家伙遮爾濟人，阿母無閒懸無閒低，哪有時間綴阮讀冊捌字？

阮兄弟姊妹畢業以後，結婚生囡，阿母就鬥tshuā孫大漢，十外个孫，阿母濟少攞照顧有著。

後來阿爸破病以後，攞是阿母咧照顧，阮兄弟姊妹歇暍才轉去看阿爸和阿母，阿母定定講：「我若共老的照顧予伊好勢，遮个囡仔就免煩惱，才會當安心去拍拚事業。」

阿爸過身了後，獨居的阿母，蹣院兩禮拜，復健誠久才漸漸康健起來。這個期間，阿母搬厝，搬轉伊外家庄頭蹣，有幾個阿姨嘛蹣佇附近，互相照顧攞真方便。

舊年阿母看著對面的小學又閣開辦成人教育班，毋捌字的阿母想欲去讀冊又閣躊躇，驚講會讀無冊，後來因為阮逐家的鼓勵才報名，一班十外人，只有伊和另外兩位歐巴桑是老人，賸的攞是外籍新娘。

逐擺我轉外家，食過中晝飯，阿母攞袂顧得去歇暍一下，趕緊換(giú)我幫伊看功課，字有寫毋著無？課文有唸毋著無？阿母寫字真慢，總是一筆一畫沓沓仔(tauh-tauh-á)寫，伊的字寫甲非常整齊，我呵咾伊真是一個好學生，頂擺轉去緊予伊一个小紅包做獎學金。阿母雖然講毋免啦，揀(sak)規半晷，最後猶是歡歡喜喜共伊收落來！

大伯前一站仔問我阿母敢好？我共伊講，阮阿母除了運動、參加庄頭裡的活動、常常和兩三个阿姨同齊煮手路菜鬥陣食以外，猶去讀冊呢！而且是「負責」得全勤獎獎狀的ooh！。大伯笑講：「按呢會閣較少年！」

我轉外家學予阿母聽，順紕鼓勵伊愛繼續讀落去。阿母真歡喜，講：「我當然愛繼續讀冊，人數有夠才有法度開班，我讀有讀無無要緊，我是去做伴的，予遐外籍新娘會當繼續讀冊才較重要啦！」

原來阿母逐項攞替別人想，莫怪伊的生活中無埋怨佻不滿，只有感恩佻惜福；對序細無囉唆佻要求，只有關懷佻珍惜。從來袂怨嘆，自然就袂憂頭結面。阿母真是我人生學習的老師！

創作理念

每個人身邊都有許多親友，每位親友都有許多人生故事，每個故事都是生活的點點滴滴。記錄這些看來不重要卻值得回味再次的點點滴滴；抒寫一個個不偉大卻讓我們可以滋養生命的故事，就是一個喜歡文學創作的人該做的事。

李月瑛

國立新竹園區實驗高級中學國小部教師

